

راحة قلوب الشباب | #الغرفة_الدعوية | د. حازم شومان

حازم شومان

عليكم ورحمة الله وبركاته. اخوانا واحبابنا واخواتنا الفاضلات كلمات وبناتنا ربنا يحفظكم سامعيني ولا مش سامعيني؟ سامعيني؟ طيب الحمد لله وكفى وصلاة وسلاما على عباده الذين اصطفى. اللهم ولك الحمد كله ولك الملك كله وببيدك الخير كله. واليك يرجع الامر كله. لبيك يا ربنا وسعديك والخير كل الخير في يديك والشر ليس - [00:00:00](#)

اليك انا بك واليك تباركت وتعاليت استغفرك واتوب اليك. اللهم اغثنا يا رب العالمين. اللهم اغثنا يا ارحم الراحمين ثم انك تعلم ان اجتمعنا شباب وفتيات كلنا نرجو ان تنقذنا من الفتن يا رب العالمين. اللهم لا يملك - [00:00:30](#)

كرباتنا الا انت. اللهم لا يملك راحة قلوبنا الا انت. اللهم لا يملك شرح صدورنا الا انت. اللهم لا يملك اصيل والاخذ بها الى الخير الا انت. اللهم لا يملك قلوبنا الا انت. اللهم لا يملك الفرج والفتح والمدد - [00:00:50](#)

الا انت. اللهم اغث شباب الامة يا رب. اللهم اغث شباب الامة يا رب. اللهم اغث شبابنا وفتياتنا يا رب اللهم امين. شبابنا الجميل وبناتنا يعني اللي زي الازهار ربنا يحفظكم اهلا اهلا اهلا. يعني الواحد بيتكلم والله يا شباب - [00:01:10](#)

وانا يعني يعني قعدت اقرأ في المشاكل بتاعتكم للمشاكل للشباب والبنات بعدين والله يا شباب كانها سكاكين في قلب الواحد. كانها جراح في الواحد وانا قاعد ابص للواقع بتاع الشباب. والعذاب النفسي اللي هم فيه والضيق اللي هم فيه. والخنقة اللي هم فيها والكرب اللي هم فيه. حسيت ان - [00:01:30](#)

الشباب اللي ببسبت على دينه الوقت ده الشاب اللي بيدور على دينه الوقتي ده البنت اللي بتفكر في علاقتها بربنا الوقتي دي دي مجاهدة انتم مجاهدين يا ابني ابشروا يا شباب مين اللي جابكم؟ مين انت دلوقتى قاعدة بتتكلمي بتسمعي درس ديني على النت؟ زميلتك اللي في نفس سنك قاعدة دلوقتى قدام موقع - [00:01:50](#)

لا يعلم ما فيه الا الله. انت دلوقتى قاعد بتسمع عن ربنا. انت دلوقتى قاعد بتمد ايديك عايز حد يمد لك ايده. وياخد بايدك لطريق ربنا اللي في نفس سنك الوقتى قاعد بيعمل ايه بيعمل جرائم على النت وبرة النت. ابشروا يا شباب مين اللي جابكم؟ مين اللي جاب قلوبكم - [00:02:10](#)

مين اللي خلى قلبك بيفكر في ربنا؟ مين اللي خلى قلبك في الوقت شباب؟ انتم العزاب اللي انتم فيه. المزكرة اللي مليانة مشاكلكم داهيت المشاكل دي يا شباب فيه مشاكل كتير اوي اوي اوي عند كل الشباب اللي قاعدين بيعصوا ربنا على النت دلوقتى ولكن اللي خلى دي مشكلة في حياتك انك - [00:02:30](#)

حبوا ربنا. اللي خلى ده مشكلة في حياتك انك خايف من ربنا. اللي خلاكي تعتبري ان دي مشكلة في حين ان غيرك ما اعتبرتتش ان لها قيمة في حياتها اللي خلاك تعتبر ان دي قضية تبكيك. رغم ان غيرك ما بيبكيك منها ولا حاسس بها ان انتم بتحبو ربنا. ابشروا يا شباب. انتم بتحاولوا انتم مجاهدين - [00:02:50](#)

تيم. انتم بتحاولوا تجاهدوا في زمن اللي عايز يبقى كويس فيه ماسك على الجمر. انتم بتحاولوا انكم تبقوا كويسين. في زمن كل حاجة بتحطم في الشباب فيه. ظروف البلد الاقتصادية. ظروف البلد الاجتماعية. البنت اللي معنا الوقتى. اللي اتخرجت. وما اتجوزتش لسه لحد دلوقتى - [00:03:10](#)

ربنا يجوز بناتنا كلهم يا رب اللهم امين يا رب. وعائشة في فراغ وما اشتغلتش والاكثاب ماسكها. الشاب اللي بقى له خمس سنين بيتخرج وما هوش عارف يعمل ايه القهاوي اللي مالية الشوارع والشباب مالبينها. ده علامة انهيار في المجتمع يا اخوانا. الشاب اللي

عايز يبقى كويس دلوقتي ده ببجاهد. اسبت يا ابني. اسبت - 00:03:30

ما انتاش عارف سوابك عند ربنا ايه. اثبتني ما انتيش عارفة كفاحك عشان تبقي انسانة كويسة. في وسط نت في نص مليون موقع فاسد انت ما انتيش عارفة سوابك عند ربنا ايه. يا شباب يا بنات. قال رسول الله صلى الله عليه وسلم عبادة في الهار - 00:03:50
كهجرة الي كهجرة الي يعني ايه يعني انت انت يا زهرة من زهرات الاسلام يا بنت يا يبقى يا يا اللي مشاعر الرقة كلها والحنان ربنا ملا قلبك بها. وانت في وسط الواقع الصعب ده. وبتحاولي تبقي كويسة. وبتحاولي تقربي من ربنا - 00:04:10

وتيجي يوم القيامة وسط احوال ارض المحشر واهوال القيامة. تلاقي نفسك ماشية وسط نساء على يمينك السيدة زينب بنت محمد عليه الصلاة والسلام. على شمال السيدة عائشة انتم انتم مين؟ يقولوا لك احنا المهاجرات في سبيل الله. احنا اللي هاجرنا من مكة للمدينة. طب انا ايه اللي جابني وسطكم؟ ده انا كانت احوالي صعبة وكنت عايشة في زمن صعب - 00:04:30
انا انا ما عشتش في زمن النبي اصلا يقولوا لك عبادة في الهرج. كهجرة الي. انت ربنا اعتبرك مهاجرة الي الرسول. انتم ربنا اعتبرك مجاهدة. انت خدت سواب اللي هاجرته للنبي عليه الصلاة والسلام. لانك وسط ما المجتمع كان مولع وسط ما المجتمع كان ضايع. انت وقفت وجاهدتي - 00:04:50

بنتي ابشري انت هتدخلي الجنة مع المهاجرات. انت هتشربي من ايد النبي عليه الصلاة والسلام مع المهاجرات. وانت جاي يوم القيامة مع النبي عليه الصلاة والسلام تفاجئ انك انت وسط عبدالرحمن ابن عوف وسعد ابن ابي وقاص. انتم مين؟ يقولوا لك احنا المهاجرين في سبيل الله. طب انا ايه اللي جابني وسطكم؟ انا كنت شاب بقوم واقع - 00:05:10
انا كنت شاب ساعات اجي اعمل طاعات وساعات المعاصي تمسكني. انا كنت شاب عايش تعبان لان انا نفسي ابقى كويس واقرب من ربنا. واخيرا التزمت وتبت بس انا ما اقدرش انا ما عشتش في الزمن بتاعكم اصلا. يقولوا لك عبادة في الهرج كهجرة الي. انت ربنا انت ربنا - 00:05:30

خلاك مع المهاجرين في الجنة لانك انت احتسبت عند الله مهاجر الي رسول الله صلى الله عليه وسلم. اهلا اهلا اهلا بشبابنا الجميل. اهلا اللي زي الازهار في هذه الامة اللي بتعاني من قصف اعلام نووي قصف نووي على الثوابت. قصف - 00:05:50
على شهوات الشباب ضغط رهيب. الشاب اللي عايز يقرب من ربنا النهاردة والبنت اللي عايزة تقرب من ربنا النهاردة بيعيشوا ضغط رهيب. ابشروا يا شباب ربنا مش هيضع تعبكم. ربنا مش هيضع صبركم. ربنا مش هيضع كفاحك عشان تبقي انسانة كويسة. وقدامك الف ومليون باب لاي - 00:06:10

شهوة انت عايزاها الوقتي ربنا مش هيضع صبرك وثباتك. وانت قدامك الف باب. انك تعصي ربنا الوقتي. ولكن كلكم بتحاولوا تختاروا ربنا كلكم بتحاولوا تقربوا من ربنا. يا ريتني ما كانش بيني وبينكم الوقتي كاميرا وشبكة نت. يا ريتنا كنا مع بعض يا شباب والله. انا اتمنيت الوقتي سبحان الله العظيم - 00:06:30

يعني والواحد بيدعي ربنا له ولكم. انا اتمنيت دلوقتي ان ان انا ابقى وسطكم ان احنا نبقي عايشين مع بعض. المشاكل الشباب الوقتي اكبر من ان يبقى حلها فرأى او سي دي او ان كان لازم هنسمع وهتسمعي الكلام ده مش معناه ان ما حدش هيسمع. هتسمعه ان شاء الله عن ربنا. اذا كان الشباب بيسمع للهضة ولا بيسمع لوكا - 00:06:50

ولا بيسمع انت هتسمعي عن ربنا وانت هتسمعي عن ربنا سبحانه وتعالى. بس الواحد فعلا بيتمنى يا ريتنا يا ريتنا كنا يا ريت نقف اسمع شاب شاب يا ريتني اقدر اسمع واحد واحد. احد اخوانا الوقتي حبيب قلبي هو يعني بس يعني ايه مش قوي الوقتي فقاعد على الكرسي وانا وانا - 00:07:10

خلفة قلت له قم يا ابني قم انا مش طابق ابص لحد من الملتزمين دلوقتي اصلا. فيقول لي ليه؟ لما قرأت مشاكل الشباب يا جماعة قلت سبحان الله العظيم التزم اللي نايم في بيته ده بيعمل ايه؟ والملتزمة اللي قاعدة في حالها دي بتعمل ايه؟ يا جماعة الشباب محتاج انقاذ. هيقولوا لي ما احنا شباب واحنا كمان محتاجين انقاذ - 00:07:30

يا سيدي معلش بس انت وقفت على رجلك شوية. يا عم بس انت عارف انت عندك حتى يعني عندك شئ يوقفك شوية في علاقتك

بربنا حل مشاكل الناس وربنا يحل لك مشاكلك. شيلوا هم الشباب وربنا هيحمل عنكم همومكم. يا ريتني يا ريت يا شباب والله -

[00:07:50](#)

حل مشاكل الشباب انهم عايزين يبقوا عايشين وسط اهل الدين. يبقوا عايشين مع الدعاة. عايشين مع الملتزمين. البنات يعيشوا يبقى كلنا عايشين يا جماعة بيئة طبيعية البيئة اللي الايمان بيموت فيها والايمان بيزيد فيها. الحقيقة يا شباب يعني اذا كان عاطفتي -

[00:08:10](#)

طلبتني واضطريت ان انا يعني اقول لكم ان انا بحبكم في الله. وان آآ وان انتم ان شاء الله بازن الله ان انتم بتعملوه ده كهجرة الى رسول الله. وان مشاكل - [00:08:30](#)

اللي تابعة نفسيتك جدا ومشاكلك اللي تابعة نفسيتك. انت لو انسان مش ملتزم او ما بتحش ربنا كان ثلاث تربع المشاكل اللي في المذكرة دي اللي مكتوب فيها المشاكل بتاعتكم اللي شباب الطريق الى الله جايين لي يعني المذكرة اللي فيها المشاكل بتاعتكم. كان

ثلاث تربع المشاكل دي ولا كان لها اي قيمة في حياتك - [00:08:40](#)

كانت تأسر في نفسيتك. المشاكل دي متعباكم لانكم بتحبو ربنا. ولانكم عايزين ربنا وربنا مش هيسيبكم. وربنا مش هيتخلي عنكم. وربنا سبحانه حالة يعني اذا كنتم انتم الجيل اللي بيشتل اللي بيدفع مشاريع بعد الامة عن الدين. اجيال اذا كنتم انتم الجيل اللي

هيشيل الفاتورة كلها - [00:09:00](#)

اذا كنتم انتم الجيل اللي هيشيل عقوبات نص مليون موقع اباحي. اللي هيشيل عقوبات خمسميت قناة بتبص الفجور على مختلف الفضائيات اللي هيشيل عقوبة المخدرات والبنوك الربوية وتنحية شرع الله. والتبرج والزنا والمخدرات والخمور. اذا - [00:09:20](#)

كنتم انتم الجيل اللي عقوبات المعاصي دي كلها بتتنزل في حياتكم. اوعوا تستسلموا يا شباب. اوعوا تقفوا يا شباب. اوعوا تقفوا. لو وقفنا على رجلينا وجاهدنا وكافحنا والله العظيم. الواقع ده كله هيتغير وهتبقوا انتم السبب. انتم بسمة الامل اللي في الواقع ده. انتم

ملمح الامل اللي في الواقع ده - [00:09:40](#)

اوعوا تضعفوا اوعوا تبصوا وراكم لان ما فيش غيركم ربنا يثبتكم يا رب. ولكن انا عايز اقول لكم حاجة اذا كان يعني مشاعر الواحد غلباه الوقتي عن انه يتكلم في بعض المشاكل بصورة تفصيلية آآ والواحد يفكر دلوقتي في راحة قلوب الشباب. انا عايز اقول لكم

المشاكل دي كلها - [00:10:00](#)

المشاكل اللي عندكم ليه؟ الهموم اللي عندكم ليه؟ الاحزان دي كلها ليه؟ يا جماعة سبحانه الله العظيم يعني الواحد فضل ومنة الله من العبادات اللي بيحب يتعبد لله بها زيارة المستشفيات. يا بنتي قولي الحمد لله. الحمد لله لما تشوفي بنت كده زعلانة ان عينها ما

طلعتش ملونة. زعلانة ان - [00:10:17](#)

عنيا ما طلعتش خضراء. يا بنتي انت في واحدة في سنك الوقتي عمياء لا ترى. احمدي ربنا. احمدي ربنا. البنت او الشاب اللي زعلان ان وشه فيه حب شباب وان هو يعني شكله وشه مش ظريف مش لطيف قوي. احمد ربنا فيه شاب في سنك الوقتي نايم في

مستشفى - [00:10:37](#)

سرطان عشان مش حب شباب عشان سرطان في الجلد. احمدا ربنا. لما رحت ازور المستشفيات دخلت في مستشفى امراض صدرية لقبت اوض عازلين ناس فيها الواحد معزول في اوضة. ومكتوب على العنبر كله ممنوع الزيارة. اتاريني دي حالات السل

الرئوي الشديدة. الخطر - [00:10:57](#)

دخلنا حطينا ماسكات على يعني على انوفنا انا واخويا اللي كان معي ربنا يحفظهم يا رب جميعا. دخلنا شباب قدكم يا شباب بنات قدكم يا بنات ونايمين بيموتوا ومش عارفين ياخدوا نفسهم. مش عارفين يتنفسوا. من المرض اللي مالي صدورهم. قولوا الحمد لله.

احمدوا - [00:11:17](#)

ربنا زرت مستشفى الحروق الواحد لما بيشفو الحالات بتاعة الحروق يشوف المنظر بتاع الانسان المحروق دهوت سبحانه الله العظيم انت بتقعد يعني تصبر فيهم. شباب بنات قدك. شباب قدك. واصغر منكم كمان. وفجأة - [00:11:37](#)

مسكت فيهم الجمال كله راح. ملامح وشها كلها راحت. ملامح جسمها ثلاث ترباعها راحت. جلده ثلاث تربعه يعني اصبح مصدر عذاب بالنسبة له والم رهيب بالنسبة له. وانت بتتكلمي معهم وانا بتكلم معهم. اقول له احمد ربنا نار الدنيا - [00:11:57](#)

اخف من نار الاخرة. ربنا يجعل نار الدنيا فدية لك من نار الاخرة. بياحمدا ربنا. والواحد بيخرج وقلبه متقطع. واحد بيصطاد سمك وتقريبا السنارة بالكهرباء او فيه سلك كهرباء حجت الماية حاجة فيها كهرباء اتكهرب من الماية ايديه الاتنين - [00:12:17](#)

رجليه الاتنين قطعوها له الاطراف الاربعة اتقطعت. في لحزة اطرافه الاربعة اتقطعت. بسبب ايه؟ ده كهربة لحزة واحدة ده كهربة سواني. احمد وربنا قل الحمد لله. يعني الواحد شاف شباب نايمين في المستشفيات مستشفى السرطان ومستشفى الامراض الصدرية. وسائر المستشفيات ومستشفى الحروق. نقول - [00:12:37](#)

الحمد لله يا شباب نفتكر نعم ربنا سبحانه وتعالى عشان نقول الحمد لله. نفتكر نعم ربنا عشان نعرف ان احنا ربنا سبحانه وتعالى كرما اوي، ليه مشاكل الدنيا يا شباب؟ ليه الدنيا كده؟ ليه الدنيا وحشة اوي كده؟ ليه الدنيا فيها مشاكل كتير كده؟ خدوا بالك ان اللي مخلي الدنيا مليانة مشاكل - [00:12:57](#)

مش ان الدنيا كده اللي مخلي الدنيا مليانة مشاكل المعاصي اللي بتتعمل. لما يصعد لله من بلدنا بس يبجي مليار معصية كل يوم. مليار كم حالة زنا وكام حالة معصية سر وكام حالة عادة سرية وكام حالة فرجة على مواقع اباحية وكام حالة سماع اغاني محرمة وكام حالة سفور وتبرج - [00:13:17](#)

وكم كلام خطير بيتقال. وكم جرأة على الله وجرأة على رسول الله؟ وجرأة على العقيدة والحاد. الزنوب دي كلها هتتساب ازاي؟ ازاي يا جماعة الزنوب دي كلها عقوبتها بتتنزل. عقوباتها الا ما غفر الله وما صفح الله وما عفا الله وما حالم الله - [00:13:39](#)

طب تعالى فاحنا عايشين فوقها صعب. انما ليه المشاكل بالمنزل ده؟ عشان نحس بالجنة يا جماعة. عشان نحس بالجنة. عارفة المرأة السوداء؟ المرأة السوداء اللي جت للنبي عليه الصلاة والسلام كانت خادمة عند السيدة خديجة. قالت له يا رسول الله اني اصرع واني اتكشف. اني اسرع واني اتكشف. هي مش دي نهاية المشكلة. ده العنوان بس النبي - [00:13:59](#)

عليه الصلاة والسلام قال اللي تحت السطور اني ازرع واني اتكشف ديت وكانت امرأة سوداء. يعني ممكن يكون ما حدش راضي يتجوزها بسبب المرض اللي عندها. ممكن تكون ما اتجوزتش بسبب مشكلتها اللي - [00:14:19](#)

عندها وحياتها كلها واقفة بسبب مشكلتها. ممكن تكون فقيرة وعازبة تشتغل ومش عارفة تشتغل. ما حدش راضي يشغلها بسبب المرض اللي عندها. ممكن تكون متجوزة وجوزها ما عدش طايقها بسبب المرض اللي عندها. ممكن تكون مش قادرة تخدم اولادها بسبب المرض اللي عندها. ممكن تكون حياتها مشلولة بسبب المرض اللي عندها النبي عليه الصلاة والسلام قال لها ان شئت - [00:14:29](#)

مرتي ان شئت دعوت الله لك فشفاك وان شئت صبرت ولك الجنة وان شئت صبرت ولك الجنة. انا عايزكم تخيلوا معي يا جماعة لما النبي عليه الصلاة والسلام قال لها كلمة الجنة الموازين كلها اتقلبت. الموازين كلها راحت. لما تيحي تقول لي انا شاب انا شاب - [00:14:49](#)

في العشرينات والشهوة بتتدفق في جسدي وفتاة بتتصل بي وبتقول لي تعالى المكان فاضي واعمل ايه؟ اصبر ولكن كالجنة اصبر ولك الجنة. طب انا بنت وكنت كويسة ودخلت على الفيسبوك واتعرفت على شاب قابلته والدنيا بتتطور اعمل ايه - [00:15:09](#)

ايه انا خايفة من ربنا انا بتقطع كل يوم انا متعزبة اصبري ولك الجنة. اصبري ولك الجنة. طب اعمل ايه؟ انا قاعد على واقع واقع صعب انا كواحدة التزمت وانتقبت ولايسة نقاب ونظرات الناس لي في المجتمع اللي انا عايشة فيه بيبصوا لي باستنكار والدتي بتحاربي والمجتمع كله ما ليش - [00:15:29](#)

مشاكل اصبري ولك الجنة. اصبروا يا شباب ولكم الجنة. احنا يا جماعة الوقتي الواقع اللي احنا عايشين فيه ده الواقع الرهيب اللي احنا عايشين فيه ده. كنت بقول للاخوة يا بخته اللي هيعيش الواقع ده. يا بخته اللي هتعيش الواقع ده وهتصبر. يا بخته اللي هيعيش الضغط النفسي اللي احنا عايشين فيه وهيثمر. يا بخته اللي في الواقع ده - [00:15:49](#)

يلتزم ده مجاهد ده هيبجي يوم القيامة عند الله مجاهد. اللي هتقدر تثبت في الوقت اللي كل اللي هي تعرفه ما سبتوش اللي هيقدر يقف في الوقت اللي كل الشباب اللي يعرفهم وقعوا. امبارح كنا في جولة نزلت انا واخواني نزلنا على حوالي خمس قهاوي. غير الناس اللي في - 00:16:09

الواقع من برة يا جماعة شكله صعب جدا. الواقع من برة شكله مريع. وانت داخل القهوة كده والشباب خايفين يدخلوا الاخوة خايفين يدخلوا. ودخلنا فبقى فلا اقتحم العقبة. بدأنا نتكلم عن عشر ذي الحجة ونوزع الورق بتاع عشر ذي الحجة. وبتكلم مع الناس ونلين مع الناس ونضحك مع الناس. وسبحان الله - 00:16:29

المنزر يعني خلى الواحد في الاخر يقول ايه يا جماعة ده! ايه الوهم اللي احنا عايشين فيه ده! والله الناس قريبة. الناس اقرب مما نتصور. الناس اول ما يبجي في حياتك كلمة ربنا تحس ان السحابة السودا اللي ماليتها حياتها بتبدأ تنقشع. سبحان الله العظيم. اصبري ولك الجنة. اصبر ولك - 00:16:49

جنة. استحملوا يا جماعة ولكم الجنة. اصبري على الاختلاط ولك الجنة. اصبري عن التبرج ولك الجنة. اصبر على العلاقات المحرمة والمكالمات حرم على الاسكاي بي وغيره. ولك الجنة. لما نصبر عشان ربنا سبحانه وتعالى وناخد كلمة الجنة ابو التحتاح. ابو الدحاح يا جماعة يعني سبحان الله العظيم كان - 00:17:09

كم يتيم ايام النبي عليه الصلاة والسلام عايز نخلة محتاج نخلة. فالنبي عليه الصلاة والسلام قال من يعني اه يعني يعني يعطيه النخلة يعني وله الجنة. النخلة دي بالجنة. آا الرجل اللي كانت النخلة دي ملكه ما رضاش انه يديها لابو الدحاح. تخيلوا! سبحان الله العظيم! واحد عايش ايام - 00:17:29

النبي عليه الصلاة والسلام والنبي قال ان النخلة دي بنخلة في الجنة للي يديها لليتيم ده وما رضاش ان هي تديها له. ابو الدحاح بقى سمع الكلام ده كان جنينة فيها ستميت نخلة. ابو الدحاح راح للراجل. صاحب النخلة قال له تاخد الحائط بتاعي كله الجنينة بتاعي كلها. وتديني النخلة بتاعتك ستميت نخلة - 00:17:49

نخلة يا ابو الدحاح ده انت ممكن تخلص الليلة كلها ده انت لو قلت له عشرين نخلة هتطير من الفرح. ده انت لو قلت له عشر نخلات هترمي الفرح ابو الدحاء ما بنفكرش كده يا جماعة. ابو - 00:18:09

ابو الدحاح بيفكر ان نخلة في الجنة يعني مكان في الجنة يعني انا من اهلي. الجنة انا عايز ايه من الدنيا بعد ما بقيت من اهل الجنة ان الانسان مشاعره كلها - 00:18:19

مرتبطة بالجنة. انا بعد ما بيت من اهل الجنة محتاج ايه ؟ انا بعد ما بقيت من اهل الجنة كان عندنا استاز في الكلية وما اتجوزش فسبحان الله احد اخواني - 00:18:29

ايه اللي انت عارفه ده ما اتجوزش ليه ؟ كبر كان راجل كبير يعني يعني ما اعرفش هو دلوقتي بقى حي ولا ميت. زميلي قال لي انت عارف هو ما اتجوزش ليه ؟ قال لي كان بيحب بنت زميلته - 00:18:39

في الكلية وما اتجوزتوش. امتنع عن الزواج طولة حياته. قلت سبحان الله! هو ده الصدق. اهو بقى لو ده حب ربنا انك انت انت تحب الدين لدرجة ان الدين لو جه في حياتك اي حاجة تروح انت مش زعلان. ولو الدين راح من حياتك اي حاجة تيجي انت ما انتاش فرحان. خلاص ده بقى - 00:18:49

كل مشاعرك ابو الدحاح سبحان الله العظيم طلع الستميت نخلة عشان نخلة في الجنة عشان كلمة الجنة يا جماعة يا اخوانا يعني سبحان الله العظيم نعيم الجنة الدنيا دي خنيقة اوي يا شباب. الدنيا دي صعبة اوي. الدنيا دي الدنيا دي تخنق والله العظيم. يعني اللي عايز - 00:19:09

تعرف الدنيا فعلا شباب متعلق بالدنيا الدنيا دي فيها ايه ؟ انت هاتوا لي اكثر شاب عايش الدنيا على على انت ده كله من اوله لاخره هاتوا لي اكثر شاب بيروح كم نادي. ناديين ثلاثة عارف كم بنت - 00:19:29

بيعمل ايه يعني؟ بياكل ايه يعني؟ يعني بيروح كم مصيف يعني؟ يعني بيروح فين؟ يعني مسلا عايزين مسلا ولا جولف بورتو ولا ولا

بيطلع على هيروح فين؟ لو راح كده ما هوش راح شرم الشيخ. ولو راح الغردقة ما هوش رايح آآ ما هوش رايح آآ يعني هيروح فين هيعمل ايه؟ هو انسان. طاقته محدودة. الواحد - [00:19:45](#)

لما بيتدبر في الجنة عقله بيطير يا شباب. عقله بيطير بيّفهم ان المشاكل اللي مالية حياتكم دي عشان ربنا يفكركم بالجنة. عشان ربنا يشوقك لها. عشان ربنا يرغبك فيها. يا شباب والله انا باقول لكم الكلام ده وربنا يعلم. زي ما قلت لكم الواحد كان سكاكين بتقطع في قلبه. وانا - [00:20:05](#)

حاسس انكم بتتعزبوا كلنا بتتعزب. الدنيا هي دي الدنيا يا جماعة. وكلنا تعبانين. انما عشان ربنا يشوقنا للجنة. كنت باقرأ قول الله سبحانه وتعالى مستقرا ومقاومة. قلت يا سلام! الله اكبر! حسنت مستقرا ومقاما. ايه الفرق في الجنة! وربنا بيوصف الجنة بين - [00:20:25](#)

المستقر والمقام حسنت مستقرا ومقاما ده نعيم التجديد في الجنة. يعني ايه نعيم التجديد؟ ادخل على الفيسبوك. وشف الشباب بيقول ايه. فراغ قاتل. انا عندي اكتئاب من الفراغ. والبنت تقول انا رحت لاطباء نفسيين من الفراغ والملل اللي انا فيه. والشاب بيقول انا مش لاقى حاجة اعملها. طب انا النهاردة - [00:20:45](#)

هروح النادي وبعد كده اطلع على القهوة. طب بكرة انا عايز اجدد. يبقى القهوة وبعد كده النادي. طب بعده عايز حاجة جديدة. ما فيش. طب اعمل ايه؟ هو كده انت تدخل نفسك في - [00:21:07](#)

كساد اللي بيشتغل للجنة حياته كلها تجديد زي الجنة. انما الثاني خلاص طب هيعمل ايه يعني؟ طب خدنا النهاردة تمول. طب بكرة نعمل ايه طب بكرة آآ نجيب آآ حاجة تانية كيمياء ولا ولا نجيب آآ يعني طب بكرة نعمل ايه؟ طب نجيب بودرة طب اعمل ايه؟ طب اجدد ازاي؟ ما هم - [00:21:17](#)

وكلهم حاجات محصلة بعضها. وهي كلها زي بعضها. انما الجنة يا شباب حسنت مستقرا ومقاما. ايه الفرق بين المستقر والمقام؟ يعني انت الشقة اللي انت ساكن فيها ديت دي مكان الاستقرار. انما لما بتروح فندق اه او بتروح مسلا تاخد شاليه مسلا في ماربنا مسلا فيقول لك - [00:21:37](#)

تقيم كم يوم الاقامة في الفندق كم يوم تقول له ثلاث ايام. يبقى الاقامة ديت حاجة عارضة انت رايح شاليه رايح فندق رايح مكان عارض انا مسافر اوروبا هتقيم كم يوم في الفندق هناك. انما الاستقرار ده المكان بتاعك. الاغنيا تلاقي عنده قصر هو ساكن فيه مستقر فيه. وبعد كده بقى عنده فيلا - [00:21:57](#)

في الاقصر بيروح يشب فيها وعنده آآ شاليه في شواطئ نيس في فرنسا بيروح يصيف فيها وعنده فبتلاقي حياته. كأن ربنا بيقول لك ان تخيل في الجنة انت عندك قصور ساجدة انت ساكنة فيها وانت عندك قصور وبعد كده بقى في اماكن تانية كأن في شاليهات في الجنة - [00:22:17](#)

كأن في مصايب في الجنة مسلا يعني كأن في شواطئ في الجنة كأن في اماكن نهاية في الجنة. فانت تروح بقى تتنعم في المكان ده شوية والمكان ده شوية ولك مكان. نعيم التجديد - [00:22:37](#)

نفسه في الجنة. تجديد اصناف النعيم. يا بنتي ربنا خلق على وجه الارض عشرين مليون نوع من انواع الكائنات الحية في الدنيا بس. حنة القارة الترابية اللي تايهة في الكون دي اللي اسمها الكرة الارضية. ربنا ما يقدرش يخلق لك عشرين مليون نوع من اصناف النعيم - [00:22:47](#)

في الجنة ربنا ما يقدرش عشرين مليون نوع من اصناف النعيم. الدنيا هو النادي. ما كانش القهوة. ما كانش الفيسبوك. ما كانش هتعمل ايه؟ هي كلها خمس ست حاجات، هتروح فين يعني؟ وحفلة بقى كل قد ايه؟ ورحلة بقى كل قد ايه؟ وده اللي عايش ده اللي بيعمل كده ده اللي مسمينه عايش. انما تخيل في الجنة - [00:23:07](#)

ربنا سبحانه وتعالى ما نفذت كلمات الله نعيم الجنة الموديلات بتاعة لبسك نفسها. بتطلع من شجر زي ثمار الشجر. ثمار شجر الجنة ما فيش تفاحة طقم التفاحة التانية. ما فيش مانجاية طعم المنجاية التانية. التجديد حتى في الطعم. بل المنجاة نفسها ممكن يبقى فيها

ميت طعم مختلف. فتخيلي موديلات - 00:23:27

ازياءك في الجنة ديت يعني يقول لك كل سنة بيطلع بها موديلات جديدة او الموضة السنة دي ايه؟ الموضة في الجنة كل قد ايه؟
التجديد التجديد بتاع كل ملمح من ملامح النعيم من ملامح النعيم في الجنة كل حاجة في الجنة جديدة. ومن الحاجات الاحديس

المهرة اللي فعلا تدوب القلب في الجنة يا شباب - 00:23:47

اللي تعرفكم الدنيا دي خنيقة قد ايه. الدنيا دي شلل قد ايه. الدنيا ديت احنا عايزين نخلص منها وندخل الجنة قد ايه. حديس يوم لما
ربنا سبحانه وتعالى يعني ينادي في اهل الجنة وانت قاعدة بقى في خيمة اللؤلؤ بتاعتك. وانت قاعد في خيمة من لؤلؤ ستين مين

في ستين ميل؟ يعني تسعين كيلو في تسعين كيلو - 00:24:07

الشقة اللي اتباعت في القاهرة بخمسين مليون جنيه كانت الف متر. يعني تخيل بقى تسعين كيلو ده الشقة ديت بقى كم؟ القصر ده
في الجنة والقصر بتاعك كله منحوت جوة لؤلؤة بالبلكونات بالصلاة باللاوض. يعني انت متخيل المنزر ده شكله ايه! والمتر في متر

لقاب قوس احكم في الجنة خير من الدنيا - 00:24:27

فيها وما فيها متر في متر في الجنة احسن من الدنيا. يعني ايه؟ يعني اصناف النعيم اللي في كل متر مربع في الجنة اكر من اصناف
النعيم اللي على وجه الكرة الارضية كلها - 00:24:47

حياة جميلة. انا اما بفكر في الجنة كده يعني بقول سبحان الله لو عشرة اجمل عشر اصوات على وجه الارض قعدوا جنب بعض كده
وقعدوا ويضحكوا مع بعض. تخيل القعدة دي تبقى مبهرة قد ايه. سوبر ستارز بتوع الاصوات الجميلة. قلت سبحان الله! الجنة دي

مكان كل اللي فيها صوتهم حلو. كل اللي فيها - 00:24:57

شكلهم حلو. كل اللي فيها لبسهم حلو. كل اللي فيها ملوك. ما حدش غير عنده قصور. كل اللي فيها ربنا راضي عنهم. عارفين يعني ايه
دار السلام عارفة يعني ايه الجنة؟ سبحان الله! وانت قاعدة في الخيمة بتاعتك وانت قاعد في الخيمة من اللؤلؤ بتاعك. فجأة ينادي

في اهل الجنة. يا اهل الجنة - 00:25:17

ان الله يستزيركم. يا نهار ابيض! ده انتم لو قاعدين على الفيسبوك دلوقتي او قاعدة على انت كده قال لك مين طالبك انك تزوريه؟
تخيلي كده ايه الشخصية اللي ممكن الواحد يقع من طوله مسلا او يفرح انه طالب ان هو يزوره؟ ربنا - 00:25:37

يستزيرك ربنا يستزيرك ربنا. سبحانه وتعالى بيدعوكم انكم تذهبوا للقاء الله سبحانه وتعالى بقينا نسيب القصور والفلل واليخت
والنعيم والقصص ونورا. نلاقي بقى عروش من ذهب عروش مش وقدامها منابر من نور ووراها كئبان من مسك. الانبياء ييجوا

الانبياء كده عادي وسطنا كده. سيدنا ابراهيم معدي على يمينك وسيدنا موسى - 00:25:57

طالع قدامك وسيدنا محمد اهوت وسيدنا صالح اهوات وسيدنا ابا. ايه ده! ييجوا على منابر النور وبعد كده ييجي الصديقين

والشهداء! تخيلوا يا جماعة يعني الجنة دي مش بس نعيم التجديد. ده انت صحابك فيها مين؟ ده انت بتفطر مع السيدة عائشة

وبتتغدي مع مصعب بن عمير وبتتغشى مع غلام الاخدود. وتاني - 00:26:27

في يوم عندك فسحة ولا رحلة مع سيدنا ابراهيم وبعد كده بالليل انا رحت تزور سيدنا محمد عليه الصلاة والسلام وبعد كده عندك

بقى ماشطة بنت فرعون نفسك تقعد معي - 00:26:47

كده وتعرف قصتها بالزبط وحاجة عيشة عيشة. مش الخناقة بتاعة الدنيا هي القهوة والشيشة والدومنو. نازل امبارح على القهوة. كل
ما ادخل على ترابيزة الدومينو. قاعدين حاطين الدومينو يا عيني كأنهم الى نصب يفيضون. وقاعدين ما بيعملوش حاجة اصلا.

والتليفزيون شغال - 00:26:57

على قنوات غريبة الشأن والشكل حاجة تجيب صداع هم قاعدين فبقول لواحد بقول له يا ابني انتم ما عندكوش غير دومنو! فهو

مش فاهم قصدي ايه! يعني يا ابني انتم بتعملوا ايه! اتقال على القهوة! قاعد يشد في شيشة ويلعب دومر - 00:27:17

ايه اللي انت يعني ايه اللي في كده؟ يعني ايه المتعة؟ يعني ايه القصة يعني؟ يعني ايه الانبساط يعني؟ والتاني نادي تدخل

النادي تلاقى البنات قاعدة تجري وهي قاعدة تجري وراه وبنات ايه يعني ايه القصة يعني؟ خرجتم بايه؟ يعني الموضوع ده في الاخر

انت مبسوط من ايه؟ انما تخيل بقى انبياء - 00:27:31

اعلى منابر النور الصديقين والشهداء على عروش الذهب. باقي الناس على كئيبان المسك ثم يكشف الحجاب فيتجلى الله. الله الله اكبر يتجلى الله كلمة يتجلى الله يعني انت في يوم المزيد دهو في الجنة و انت في يوم عرفة اليوم الاثنين الجاي يتجلى -

00:27:51

الله فيقول سلوني يا اهل الجنة. فيسألون انت كنت بتزور واحدة صاحبك في الفردوس الاعلى ولقيتي عندها شوية اصناف نعيم بهروه كوكي واو بيج واو بيج. مش بيج واو بتاعة الكلام بتاع الدنيا اللي كله محصل بعضه. وانت كنت بتزور واحد في جنة الريان ولقيت عنده اصناف من - 00:28:11

المشروبات وحاجات مبهرة. وانت كنت بتزوري يعني كل واحد بقى شاف في الجنة حاجات ما هياش عنده. فقاعدين يسألوا يسألوا يسألوا النبي عليه اصلا بيقول لك حتى تنقطع الرغبة. يعني ما عادوش لاقيين حاجة يسألوا فيها. ما عادوش لاقيين حاجة يقولوها.

فحينئذ اسمعوا يا شباب - 00:28:31

اسمعوا يا اللي مبهورين بالنوادي. اسمعوا يا اللي مارينا نهاية احلامكم. اسمعوا يا اللي رحلة اسبوع في تركيا ولا رحلة اسبوع في فرنسا الافق اللي ما حصلشي. اسمعوا فحينئذ يفتح لهم لك انت. يا اللي صبرت. يا اللي صبرت - 00:28:51

التزامك في الدنيا عشان تعرفي ان مشكلتك دي مشكلتك اللي تعباكي دي اللي هتدخلك الجنة. ازمتهك اللي معزباك دي اللي ربنا هيرضى عنك سببها ده ديت اللي ده المشاكل اللي احنا قابلناها واصبرنا عليها عشانك يا رب. هي دي اللي ربنا يخلينا مع النبي عليه الصلاة والسلام بها يا شباب - 00:29:11

ان دي اللي هنحمد ربنا عليها يوم القيامة. فحينئذ يفتح لهم ما لا عين رأت. ولا اذن سمعت ولا خطر على قلب بشر. كثير من الشباب يسمع الحديث ده ويفتكر ان هو عادي يعني. ما هي الجنة فيها ما لا عين رأت ولا اذن سمعت ولا خطر على قلب بشر. يا يا حبيبي الكلام ده كان في الدنيا. وانت في الدنيا لما اقول لك الجنة فيها ما لا عين - 00:29:31

يعني كل اللي انت شفته في الدنيا ده ما هواش حاجة بالنسبة للجنة. ولا اذن سمعت كل اللي سمعت عليه. اه واللي انت شفته على الفيسبوك واللي انت شفتهم على اليوتيوب ولا خطر على قلب بشر كل اللي قبل ما تنام حطيتي راسك على المخدة وسرحتي. اربع ساعات تحلمي بنعيم - 00:29:58

وكل ده لا شيء. كل ده يعني كل ده ما هوش حاجة اصلا خالص بالنسبة لنيام الجنة. انما لما واحد كل يوم جمعة في الجنة ربنا يدي له ما لا عين رأت. معناها ان ما لم تره حتى اعين - 00:30:18

الجنة ما لم يخطر حتى على بال اهل الجنة. ما لم تسمع عنه اذن حتى اهل الجنة. يعني ايه يا جماعة؟ يعني يا بنتي انبهري جنة كل اسبوع بيحصل فيها نيولوك. الجنة كل اسبوع ببيجي فيها اصناف نعيم لم يعرفها حتى اهل الجنة أنفسهم - 00:30:38

التجديد الرهيب حتى البروجرام بتاع كل متعة من المتع تحس شف ربنا يقول لك ايه عينا يشرب بها عباد الله مش يشرب ابو منى بها عارفين المحلات بقى الايه؟ تيك اوي اللي الشباب بيقوم جاي وموقف العربيات ومنزل الازاز وييجي الصواني كده تتسبت في ازاة العربية وفي باب العربية - 00:30:58

والشباب قاعدين ومشغلين ايه وفرحانين ومبسوطين. يشرب بها يعني اماكن تجمعات شبابية. بس كلها بقى حقيقي عينا يشرب بها عباد الله يفجرونها تفجيراً. عارفة المفاجأة؟ مفاجأة. يعني انت نفسك رايحة - 00:31:18

عن صنف نعيم انت مش عارفة انا ايه انتم بتكتشفوا احنا بنفاجاً بصنف صنف من الاصناف النعيم يا جماعة ده في قول الله وتلك الجنة التي اورثتموها بيقول لك ان الملايكة بتاخذك رحلة اول ما بتدخلي الجنة توريك املاكك. الملايكة بتاخذك رحلة توريك املاكك. بعض الاثار قالوا ان - 00:31:38

دي ممكن تقعد الف سنة من كتر تنوع الاملاك وتنوع اصناف النعيم. انا عايز بس يا جماعة قبل ما قلوبنا ما بتشتاقش للجنة وهنموت على الدنيا ويا عيني حزاناً ان الدنيا راحت مننا. حزانة ان احنا بنضحى بها. يا بنتي انت بتضحى ده انت سايبة جناح - 00:31:58

عوضة بتطير على مستنقع اس متعفن وبتشتري الدار اللي ربنا بقدرته تخيلي بقى اما ربنا اه يخلق اصناف من نعيم عشان انت

تعيشي سعيدة. بيعمل لك ايه ؟ اما ربنا بقدرته يعني ربنا يريد انه يسعدك. ربنا يريد انه يفرحك - [00:32:18](#)

ربنا يريد انه يضحكك من قلبك. ربنا يريد انه يبهجك. ربنا يريد انك انت يعني حاجة يا جماعة سبحان الله نعيم التجديد مراتك في

الجنة جمال وشها بيتجدد. بيتغير. زوجك في الجنة جماله بيتغير. لما بيرجعوا كل جمعة يبص لمراته كده يقول لها - [00:32:38](#)

واو بس واو دي من عندي انا طبعاً يعني. لقد ازددتم بعدنا حزنا وجمالاً. ايه الحلاوة دي! ده انا لسة سايبك ما كنتيش كده. نعيم حتى

جمال الملامح نفسه بيزداد. ملمحاً ملمح. حتى جمال الملامح نفسه بيزداد ملمح الملامح بالنسبة للرجل وبالنسبة للمرأة - [00:32:58](#)

لما ربنا كل يوم جمعة يعطي لاهل الجنة ما لا عين رأت ولا اذن سمعت ولا خطر على قلب بشر. الجنة كل اسبوع يقول لك ايه ده! ايه

ده يا جماعة ده! احنا - [00:33:18](#)

قيل عن عند الزاج وكل ده صنف واحد من اصناف النعيم في الجنة. ده غير نعيم الصحبة اللي احنا قلناه. ده غير نعيم الحب. انك في

مكان كل اللي فيه بيحبك - [00:33:28](#)

وبتحبهم ، ده غير نعيم رضا الله. ده غير نعيم المادي. الشهوة والزواج والاكل والمنو بتاعة المشروبات بتاعة المأكولات ده غير ما

تقوليليش بقى اروح زي محل عصيرة ليه مديني منو كوباية بطيخ بالمانجة باتناشر - [00:33:38](#)

ايه بطيخ بالمنجة ده يا عم انتم هو مش عارف ومش عارف كاليماري مش عارف ايه ومش عارف ايه واي حاجة وخلص ويجيب لك

بسكوت شوكلاتة يقوم ضاربه في الخلاط ويقول لك عصير بوريو الخطير اللي ما حصلش في التاريخ. هو مش عارف يعمل ايه في

الاخر. انما تخيلي بقى النعيم المادي بتاع الجنة شكله ايه - [00:33:58](#)

التعليم النفسي نعيم السعادة نعيم الامن دار السلام نعيم الصلة بالله النعيم يعني انا مش عارف يعني انا كل ده يا شباب عايزك

تتبسط. انا عايزك تضحكي. يعني درس الليلة مش هدفه ان انا ارد على مشكلة من مشاكلك. ولا مشكلة من مشاكلك. درس ليلة انا

نفسي جوة قلبي - [00:34:18](#)

في رغبة ان احنا ما نسيبش بعض الليلة غير وانت فرحان. غير وانت مبسوطه. غير وانت مستبشر. غير وانت مطمئة غير وانت

حاطط في بطنك شادر بطيخ من كتر الامل اللي في قلبك. راحة قلوب الشباب. غير وانت قلبك مرتاح. غير وانت قلبك مرتاح. غير

وانت - [00:34:41](#)

انت ما لك رايق غير وانت يعني ايه بيسموها ايه يا عم الشيخ؟ مستمخ يعني ولا ايه ولا يعني عامل دماغ يعني عايزين يا شباب

يعني ايه ؟ يعني بس اصل عامل دماغ دي مش بالمخدرات بس. ممكن واحد يعني ايه قعد كده يفكر الجنة كده دماغ حاجة -

[00:35:01](#)

كده يعني قاعد متسلطن كده قاعد مبسوط سعيد. مصدق ربنا. مصدق محمد عليه الصلاة والسلام راحت قلوب الشباب. عايزين نقول

ايه في النهاية اوعي تستسلمي. اوعي تستسلم اوعي تتضعفي اوعي ان انتم اجمل حاجة في المشهد اللي احنا فيه. انتم اجمل لقطة

في فيلم الحياة اللي احنا عايشينه - [00:35:21](#)

انت يا اللي عاملة زي قاتل المائة لما عمل زنوب قد اعمار ناس ورايح يتوب وهو بيتوب ملك الموت انزع روحه يقع على الارض جا له

زبحة صدرية جلطة في الدماغ. جلطة في القلب. الله اعلم ايه اللي جا له سكتة قلبية. الله اعلم ايه اللي حصل له - [00:35:50](#)

حاجة فجأة وقع من طول. والنبي عليه الصلاة والسلام وهو بيوصف منزله اخذ ينوء ب صدره الى الارض التي فيها القوم الذين يعبدون

الله بيزحف هو عارف انه لا يمكن هيوصل. هو عارف انه بيموت خلاص. ده واحد في ارض خلاء وبيزحف هيعمل ايه - [00:36:10](#)

يعني هيعمل انما قلبه قلبه ملهوف انه يرضي ربنا. قلبه ملهوف انه يعمل حاجة لربنا. قلبه بيقول لربنا يا رب انا كان نفسي اعيش مش

ميت عمر على عمر اعبدك فيهم. اعوض كل معصية عملتها بمليون طاعة يا رب. انا كان نفسي اسبحك ليل نهار. واذكرك ليل نهار -

[00:36:30](#)

اروع بوداك للنهار زي ما قبل كده عصيتك ليل نهار. انا حاسس ان انتم ده انا حاسس ان انت الراجل ده. ان انت الراجل ده ان احنا

الراجل ده اللي بنزحف ومش قادرين بس هنكملها زحف لك يا رب. الزاحفون الى الله والزاحفات الى الله - [00:36:50](#)
اوعى تستسلم. اوعى تضيع. انت ما تعرفش انت عند ربنا ايه الوقت بمحاولاتك دي. انت ما تعرفيش انت عند ربنا ايه الوقت بكفاحك ده. بجهدك ده بمحاولاتك داهية والدنيا كلها ضدك. واصحابك بيتريقوا عليك. والمجتمع مليون مشاكل والمستقبل - [00:37:10](#)
علامات استفهام في وسط كل ده انت ماسك في طوق النجاة. انا مش هسيبك يا رب. انا مش هسيب طريقك يا رب. انا مش هسيبك يا رسول الله انا مش هسيب طريق محمد ابن عبدالله. انا مش هسيب طريق الدين اوعى تستسلم. اوعى تستسلمي. اوعدوا تستسلموا يا جماعة. يا عبادي الذين - [00:37:30](#)

وانا بقرأ في سورة العنكبوت اول امبارح صورة العنكبوت اللي بتتكلم عن شبكة العنكبوت. شبكة العنكبوت اللي الشباب واقعين فيها يا عبادي الذين امنوا ان ارضي واسعة فايادي فاعبدون. ربنا بيقول لك اوعى تعطل. اوعى حاجة توقفك - [00:37:50](#)
ان ارضي واسعة فايادي فاعبدون. اوعدوا حاجة توقفكم يا شباب. اوعدوا حاجة تسرق الايمان اللي في قلوبكم. فانا باقرأ في الاية كده انا باقرأ ويعني ايه انا بعيش مع اية اية بقى انا ما ليش دعوة. يعني انا بركز في الاية. باركز في ان انا بقرأها. فربنا سبحانه وتعالى بيقول لي انا ربنا بيكلمني انا الوقت لوحدي - [00:38:11](#)

ربنا بيكلم يعني ربنا بيكلمك لوحدهك بيكلمك لوحدهك كل واحد بقى بيقراً. يا عبادي ان ارضي واسعة. يعني لو البلد دي مش عارف تعبد ربنا فيها روح فالبلة الثانية الدين غالي للدرجة ديت فانا قاعد اقرأ وايادي فاعبدون. لقيت الاية اللي بعدها كل نفس ذائقة الموت - [00:38:31](#)

الله اكبر! انت تعرف انت اتسبت وانت بتقرأ الاية. ربنا بيقول لك هتموت. الحق طعني قبل ما تموت. هتموتي. الحقي اعبيده قبل ما تموتي. هتموت وهتندم على عمرك وشبابك. ولياليك. انا يا جماعة ساعتها انا والله العظيم انا حسيت ان - [00:38:51](#)
انت عارفة لما تبقي مرعوبة على كل ليلة هتروح من غير قيام! مرعوبة على كل يوم هيروح من غير صيام! مرعوبة على كل ساعة هتروح من غير ذكر! كله نفس - [00:39:11](#)

ذائقة الموت هتموتوا الحقم. الحقوا ما تضيعوش عمركم. ما تهدروش رأس ما لكم الوحيد لنيل رضا الله. ثم الينا ترجعون اتجهزت للقائي بايه ؟ استعديت للقائي بايه ؟ اتجهزت للقاء ربنا بايه ؟ انا باقرأ مع الايات وماشي معها واياه انت عارف - [00:39:21](#)
لما تسلم نفسك كده للايات وتسبب الايات بقى كأنها اموات كده موجة بتاخذك وتسلمك للموجة اللي بعدها. كل نفس ذائقة الموت ثم الينا ترجعون حسيت ان خيوط العنكبوت اللي في حياتي بتتحطم ان خيوط الكسل اللي في حياتك بتتحطم انه خيوط التوهان اللي في - [00:39:41](#)

حياتنا بتتحطم. ربنا بيقول لك قم. قم قبل ما تموت. قم قبل ما تحزن على الايام دي ان ارضي واسعة فايادي فاعبدون كل نفس ذائقة الموت. ثم الينا ترجعون. والذين امنوا وعملوا الصالحات. شف ربنا بيقول لك ايه ؟ بيقول لك قومي. قومي شوفي - [00:40:01](#)
خذت ايه ؟ شف اللي قام خد ايه ، شف اللي صبر على المشاكل دهيا شباب خد ايه! شوفوا اللي استحمل المعوقات دهيا شباب خد ايه الذين امنوا وعملوا الصالحات لنبوءنهم من الجنة غرنا. الله اكبر نبوءنهم. حاجة كده بقى ايه - [00:40:18](#)
لما كنت في العمرة اللي فاتت فالحرم وقف الملك عبدالعزيز بانيين برج كده في وش الحرم بييجي خمسميت دور كده حاجة جامدة كده ما تعرفش تعد دورها كده. حاجة فزيعة وعاملين عليها فوقها ساعة - [00:40:38](#)
اكبر ساعة في العالم اكبر من ساعة بيج بن. في اخر دورين تشوفهم بقى من تحت. منزرهم غريب كده يعني ايه يخطف العين كده. دورين ازاز كده يعني حاجة كده شكلها غريب يعني غير المبنى كله. فكنت مع واحد سعودي قال لي ده دي بتاعة الامراء. الدورين دول بقى بتوع الامراء بقى فلل الامراء بقى. اللي بيتفرج - [00:40:51](#)

من فوق وببصوا على الدنيا من فوق. قلت سبحانك يا رب! لنبوءنهم من الجنة غرنا. امال بقى اللي عايشين فوق في الجنة بقى فوق اصل الفردوس الاعلى دي يا جماعة عاملة زي ايه ؟ جبل في وسط الجنة كده فوق عالي. والفردوس الاعلى فوق. فاهل - [00:41:11](#)
الفردوس الاعلى الفيو بتاعة البلكونة بتاعتهم بتطل على الجنة. ده دي الفيو بتاعة البلكونة. وقال الجنة يبص لهم بقى ايه كما ترى

الكوكب الدري بقى يعني زي ما بيوصل النجم اللي في السما وهو يببص عليك من فوق كده ربنا يجعلنا من اهل الفردوس الاعلى. بص عليك من فوق كده ايه ده ده البلكونة بس - [00:41:31](#)

الجنة دي البلكونة بتاعته يعني. المنزر الفيو لما يببص من من فوق بيتفجر كل انهار الجنة. فالانهار لما بتتفجر من فوق تنزل في شكل شلالات. فهو لما يببص من فوق الشلالات متفجرة نازلة بعد كده نعيم الجنة تحت. وهو يعني عامل زي لما تطوف كده لما كنت بطوف من - [00:41:51](#)

السطح في الحرم قصر الملك على جبل برضو عالي كده جنب الحرام على طول. فوانت بتطوف قصر الملك جنبك. يعني هم بيجبوا يسكنوا فوق دايمًا. انما لنبوءنهم من الجنة غرفا. الله اكبر. لنبوءنهم من الجنة غرفا. تجري من تحتها الانهار خالدين فيها. نعم اجر لك - [00:42:11](#)

عاملين ربنا بيقول يا سلام يا بخته اللي هيشغل يا بختها اللي هتصبر يا بختها اللي هتمشي ورا امهات المؤمنين يا هتشتغل في الدعوة. يا بخته اللي هيدوس على مشاكله الشخصية تحت حزانه. وهيشيل هم دين ربنا وهينطلق. يا بختها اللي - [00:42:31](#)
الليل بالنهار في العبادة في عشر ذي الحجة اللي احنا فيهم. اللي هيخلصوا يوم التلات الجاي. مع مغرب اول يوم العيد. يا بخته اللي هيصوم وهيقوم يمضي ويعبد ربنا فيها والحسنة بسبعميت ضعف. يعني سواب صفحة القرآن اعلى من سواب ختمة قرآن. يعني سواب جلسة الضحى سبعميت جلسة - [00:42:51](#)

الضحى ثواب قيام الليل سبعميت قيام ليلة. سواب التسبيحة سبعميت تسبيحة. سواب تفتير صايم. بسبعميت صايم سواب. كل كل حاجة اضرب في سبعمية. سواب حرف القرآن مش بعشر حسنات. سبع تلاف حسنة. اضربي بقى ان تقبل الله سبحانه وتعالى. يا بختهم! يا نعمة - [00:43:11](#)

اجر العاملين. انا حاسس ان الواحد بيقرا نعمة اجر اللي عاملين كده ان ايه! انت عارفة خيوط العنكبوت بتتقطع فعلا! قومي بقى! قومي انطلقى بقى! الموت هيقوم الحقي قبل ما الموت ييجي. الجنة جميلة قم اشتغل لها. قم ادفع تمنها. قوموا يا شباب. قوموا يا شباب الامل معقود عليكم. انتم اللي الامل معقود - [00:43:31](#)

اخص عليكم تلتزموا وتمشوا ورا النبي عليه الصلاة والسلام. وتمشوا ورا طريق الصحابة وامهات المؤمنين وتشتغلوا في الدعوة وتنصروا دين ربنا وتأخذوا بايد الشباب باب وتمدوا ايديكم للشباب. مش انت اللي تبقى صاحب مشكلة. انت اللي تأخذ بايد اللي عنده مشكلة. ربنا يحل لك مشاكلك انت. بسبب انك انت شاييل هم - [00:43:51](#)

ناس قوموا بقى اكبروا بقى. شيلوا بقى. قوموا يا جماعة عشان نوصل لربنا ونوصل الناس لربنا يعني ان شاء الله بازن الله آآ لا زلنا مع سلسلة بتاعة افتح لي قلبك. اسمعني شكرا. سلسلة - [00:44:11](#)

افتح لي قلبك آآ المشاكل بتاعتكم يعني انا قرأت آآ جزء النهاردة آآ يعني من المشاكل بس انا طبعا خلاص ما عدش فيه وقت ان احنا نتناقش فيها انما آآ يعني انا عايز اقول ان بس لان قراءتي انا ممكن جزء كبير شوية من المشاكل فيعني حسيت ان ايه يعني كل الشباب كده - [00:44:29](#)

معقولة! يعني فالنهاردة كان نفثات من صدري غصب عني نتيجة الحزن اللي كان في قلب الواحد على احوال الشباب. ربنا يحفزكم يا شباب. ربنا فيكم يا بنات ربنا يكرمكم. ربنا يجوزكم. ويريحكم بقى ويعني ويعني ربنا ينزل رحمت واحدة - [00:44:49](#)

علينا وينزل بركاته علينا. ربنا يجعل حياتكم اسعد حياة. ربنا يجعلكم انجح ناس في دينكم وفي دنياكم. ربنا يجمع لكم امر دني دينكم ودنياكم ويجعلكم من اللي بتبقوا ناجحين دنيا ودين. متفوقين دنيا ودين. متقدمين دنيا ودين - [00:45:09](#)

ان شاء الله بازن الله هنكمل مع بعض بازن الله الاربع الجاي هيبقى ثاني يوم العيد آآ هيبقى فيه درس ثاني يوم العيد يعني الله المستعان يعني ربنا يعيننا ان شاء الله بازن الله ونفضل مع بعض على طول ما نسيبش بعض ابدأ بازن الله سبحانه وتعالى. انا عايز الشباب بالزات شباب الفيسبوك الجميل كده والبنات اللي يعني اللي معنا النهاردة من - [00:45:26](#)

ومن يعني من اي مكان بقى من الجزر السحيقة بتاعة وادي الت الكبير ده. آآ ابعتوا مشاكلكم. آآ الصفحة بتاعة افتح لي قلبك

مفتوحة ابعثوا مشاكلكم مشاكلكم بتوصل لي. يعني حتى لو انا ما دخلتش على انت لو انا ما دخلتش على انت وشفتها. آآ اخوانكم

في الطريق الى الله ربنا يحفظهم. بيحبوا لي المشاكل مكتوبة - [00:45:46](#)

في آآ يعني في ملف آآ انا مستني مشاكلكم. ما حدش انكسف من المشكلة بتاعته. نفتح قلوبنا لبعض. شرك في بير وسر في كبير ما تخافوش يا اخواني ربنا يبارك فيكم ربنا يحفظكم ارفعوا ايديكم معي بقى احنا في ايام مفترجة. افتحوا ارفعوا ايديكم معي. اللهم

تب علينا جميعا الان - [00:46:06](#)

يا رب اللهم تب علينا جميعا الان يا رب. اللهم فرج كرباتنا جميعا يا رب اللهم فرج كرباتنا جميعا.

اللهم اشف امراضنا جميعا. اللهم اكشف كربنا جميعا يا رب. اللهم اهدنا جميعا - [00:46:26](#)

اللهم انزل الايمان على قلوبنا جميعا يا مقلب القلوب. ثبت قلوبنا على دينك يا رب ثبت قلوبنا على دينك. يا رب ان الفتن قد احاطت

بنا. ان الشهوات قد احاطت بالشباب. اللهم انقذ الشباب. اللهم انقذ شبابنا وفتياتنا - [00:46:46](#)

اللهم ان الان على شبكة النت وانت تعلم كم يعصيك الشباب عليها ليلا ونهارا. اللهم اذن لهؤلاء الشباب بهداية من عندك. اللهم يا ربنا انا

مغلوبون فانتصر. اللهم انا مغلوبون فانتصر. اللهم انقذ هؤلاء الشباب. اللهم اغثهم - [00:47:06](#)

اللهم اهدهم. اللهم فرج كربهم. اللهم ارشدهم. اللهم حبب الى قلوبهم الايمان وزينه في قلوبهم اليهم الكفر والفسوق والعصيان. وكره

اليهم المواقع الاباحية. وكره اليهم الخمر والمخدرات. وكره اليهم التبرج - [00:47:26](#)

وكره اليهم الاختلاط المحرم. وكره اليهم الاغاني المحرمة. وكره اليهم الاحاد والعلمانية وكل ما لا يرضيك عنا يا رب العالمين. اللهم

اهدي هؤلاء الشباب اللهم انهم بركتنا. اللهم انهم ثروتنا. اللهم يا ربنا - [00:47:46](#)

اما ان تصلحهم تصلح بهم امتنا. اللهم انك ان تهدهم تقوم بهم امتنا. اللهم اهدهم جميعا اللهم فرج كربهم جميعا. اللهم اسعد قلوبهم

جميعا. اللهم ارح باصلح بالهم جميعا. اللهم اهدنا جميعا يا رب - [00:48:06](#)

اللهم استعملنا ولا تستبدلنا. اللهم استعملنا لنصرة دينك في الارض. اللهم استعملنا ولا تستبدلنا يا رب. اللهم لا اللهم لا تتولى عنا. اللهم

ثبتنا على طاعتك حتى نلقاك. اللهم الف بين قلوب المصريين على طاعتك وابتغاء مرضاتك - [00:48:26](#)

اللهم انقذ مصر مما هي فيه من فتن. اللهم يا ربنا انقذ مصر مما هي فيه من فتن. اللهم الف بين قلوب المصريين على طاعتك وابتغاء

مرضاتك برحمتك يا ارحم الراحمين. اقول قولي هذا واستغفر الله لي ولكم. سبحانك اللهم وبحمدك. اشهد ان لا اله الا انت. استغفرك -

[00:48:46](#)

كتب اليك وجزاكم الله خيرا وقوموا بقى يا شباب الحقوا قيام الليلة ان شاء الله - [00:49:06](#)